

✉ Röndin Kópaskeri fiskeldi

Búið til	1.7.2020 16:46:48
Höfundur	Trausti Baldursson
Sent	1.7.2020 16:46:48
Tilheyrir	📁 202006-0027 - Röndin Kópaskeri fiskeldi - beiðni um umsögn

Efni

Röndin Kópaskeri fiskeldi

Upplýsingar

Sent	1.7.2020 16:46:48	Staða	Imported
Eigandi		Tímamörk	
Skjalalykill	42-0 Umsagnir almennt		
Lykilorð			

Vinnsla

Þátttakendur

Frá	Trausti Baldursson - NI (Trausti.Baldursson@ni.is)
Til	skipulag@skipulag.is, jakob@skipulag.is

Innihald

<p>Tilvísun í málsnr. 202006-0027</p> <p>Vísað er til bréfs frá Skipulagsstofnun, dags. 16. júní sl., þar sem óskað er eftir umsögn Náttúrufræðistofnunar Íslands um tilkynningu um fiskeldi á Røndinni, Kópaskeri, skv. 6. gr. laga um mat á umhverfisáhrifum nr. 106/2000. Óskað er eftir umsögn um hvort og á hvaða forsendum framangreind framkvæmd skuli háð mati á umhverfisáhrifum að teknu tilliti til 2. viðauka fyrrgreindra laga.</p> <p>Umsögn</p> <p>Framkvæmdin er fyrirhuguð á svæði sem er á náttúruminjaskrá nr. 537 þ.e. sjávarbakkar frá Kópaskeri suður að Snartarstaðalæk. Jarðmyndun frá lokum Ísaldar (Kópaskersskeið), sjávarset með skeljum, jökulruðningur. Minjar um hopunarsögu Ísaldarjökulsins.</p> <p>Með hliðsjón af hlutverki Náttúrufræðistofnunar er einna helst líklegt að neikvæð áhrif af fiskeldinu á náttúrufar svæðisins verði á jarðmyndanir og fuglalíf. Eins og tillögur um framkvæmdasvæðið eru settar fram hefur það að mati stofnunarinnar ekki áhrif á helstu jarðmyndanir á svæðinu þ.e. helstu jarðminjar frá lokum Ísaldar sem eru ástæða þess að svæðið er á náttúruminjaskrá. Í skipulagstillögu sem Náttúrufræðistofnun fékk til umsagnar 18. desember 2019 var gert ráð fyrir að hverfisvernda jarðmyndanirnar. Þetta virðist ekki koma fram í matsskyldufyrirspurninni.</p> <p>Framkvæmdasvæðið er inn á svæði sem Náttúrufræðistofnun hefur flokkað sem mikilvægt fuglasvæði, sjá hér https://www.ni.is/node/21605 (https://www.ni.is/node/21605%20), og framkvæmdin mun hafa bein og umtalsverð áhrif á hettumáfs- og kríuvarp á svæðinu sbr. skýrslu Náttúrustofu Norðausturlands. Kríuvarpið er að stærstum hluta norðan lóðarmarka (um 74 pör innan lóðamarka en 167pör utan þeirra) en hettumáfsvarpið (áætlað um 49 pör) er allt innan þeirra og líklegt að það leggist af við framkvæmdirnar. Fjöldi kría á Melrakaslétu nær alþjóðlegum viðmiðum fyrir mikilvæg fuglasvæði, sjá hér http://utgafa.ni.is/fjolrit/Fjolrit_55.pdf (http://utgafa.ni.is/fjolrit/Fjolrit_55.pdf). Kríuvarpið í heild á Røndinni</p>
--

er „lítill“ hluti af heildarfjöld kría á Melrakkaslétu. Á Röndinni er töluvert um lúpínu og í skýrslu náttúrustofunnar er lagt til, sem mótvægisáðgerð, að lúpína verði slegin eða beitt til að kría geti frekar nýtt sér þau svæði undir varp. Einnig mætti leggja af eða flytja hestagirðingu þar sem nokkuð er um kríur. Framkvæmdir ættu einnig að vera utan varptíma. Samkvæmt skýrslu náttúrustofunnar virðist ekki mikið um varp annarra fuglategunda innan fyrirhugaðs framkvæmdasvæðis.

Áhrif á gróðurfar eru ekki talin verða veruleg og tekur Náttúrufræðistofnun undir það mat sem kemur fram í tilkynningunni.

Í fiskeldinu verður áframeldi á laxaseiðum af Saga stofni, framandi tegund af laxi, sem síðan verður fluttur í sjókvíar Fiskeldis Austfjarða. Eins og komið hefur fram í fjölmörgum umsögnum Náttúrufræðistofnunar leggst stofnunin almennt gegn sjókvíaeldi með frjóum kynbættum laxi af framandi tegund, Saga stofni, sem rekstur þessarar eldisstöðvar á landi byggir á. Stofnunin telur hins vegar að eldi á þessu svæði sem afmarkaða einingu ekki valda umtalsverðum umhverfisáhrifum ef tryggt er að seiði sleppi ekki til sjávar.

Niðurstaða

Með hliðsjón af hlutverki Náttúrufræðistofnunar telur stofnunin ekki líklegt að umrætt fiskeldi sé líklegt til að valda umtalsverðum umhverfisáhrifum af þeirri starfsemi sem þar verður að því tilskyldu að ráðist verði í viðeigandi mótvægisáðgerðir s.s. vernd jarðminja og aðgerðir vegna fuglalífs sem komið er inn á hér að framan. Auk þess verði ráðist í nauðsynlegar mengunarvarnir og einnig tryggt að seiði geti ekki sloppið úr stöðinni til sjávar. Að mati Náttúrufræðistofnunar eru öll helstu áhrif af framkvæmdum og rekstri fiskeldisstöðvarinnar þekkt og hægt að minnka eða koma í veg fyrir þau með viðeigandi aðgerðum sem setja má sem skilyrði í framkvæmda- og starfsleyfum eins og komið er inn á í tilkynningunni. Fiskeldisstöðin er engu að síður einn hlekkur í því að nota framandi tegund af laxi í eldi í sjókvíum hér við land og telur stofnun þá starfsemi vel geta valdið umhverfisáhrifum umhverfisáhrifum.

Með hliðsjón af framangreindu telur Náttúrufræðistofnun ekki líklegt að framkvæmdir og rekstur fiskeldis á Röndinni valdi umtalsverðum umhverfisáhrifum að teknu tilliti til 2. viðauka laga um mat á umhverfisáhrifum.

Virðingarfyllt,

Trausti Baldursson
Náttúrufræðistofnun Íslands
Icelandic Institute of Natural History
Urriðaholtsstræti 6-8
210 Garðabær
Sími/Tele: 590 0500
Email: trausti@ni.is (<mailto:trausti@ni.is>)



Viðhengi

image001.gif (2 KB)